D'ayoù vén-té lou non Vaticàn?

I ten vieui, lou Vaticàn ire lou non dé na cohta dé Roma dou chen dret dou Tevere, fran in fatcha dou Tsan dé Marh é a dretta dou Gianicolo.

Ire in pos malsàn é miyahì, ioù ire dé tsan to vacollo, ma bon da pahqué.

Cahque ten apré, Agrippina y a peu fé dé bé djardén dzi ou fon dé la cohta é, éque countor, l'impératour Nérón y a fé-se fére in tchirco privà. Inté hi tchirco y an peu sta mahà lé prémé martire cristiàn ; eun dé histe y a sta l'apotre Pière qué y a sta intérà fran éque.

Paré ha coulina y a vinì in fémétére sèye per lé pagàn qué per lé cristiàn, figna can l'impératour Coustantén, dou 326 ou 333 apré Jézù Cri, y a coumandà d'ahpiané la pouente é y a fé fére la prémére iguéze dédiaye a Sen Pière.

Y è maque depouì lo 1877 qué ou Vaticàn y iste lou Papa ; ou Mouayèn Adzo lou Papa stave ou Palah dou Latéràn é, incorra apré, deun d'atre palah roumàn ; eun ire lou Couirinal ayoù arà y è lou Prézidèn dé la répùblica italiana.



lo gnalèi



Tiré de :

www.focus.it, juin 2002
Texte inédit
Collaborateur de Donnas pour la traduction Ilda Dalle
La transcription a été soignée par le Guichet Linguistique
Mise à jour de la graphie : octobre 2013